



NATIONAL CONSUMERS FORUM

Orion Complex, Second Floor

P.O. Box 1410, Victoria, Mahé, Seychelles

Tel: (+248) 4225941. Fax: (+248) 4226093 Hotline: (+248) 2812003

E-mail: natcof@seychelles.net

Please address all correspondence to the Executive Director.

Lazournen enternasyonal Drwa konsomater

Amelyor problemn plastik dan nou pei

Ankor enn fwa, lemond i selebre lazournen drwa konsomater dan en sityasyon kriz koze par Covid-19. Isi Sesel nou dan en restriksyon parsyel, kot nou pa kapab fer bann keksoz abityel.

Malgre ki nou dan restriksyon parsyel, sa pa anpes nou konsonmen. Okontrè, nou ek nou fanmiy, nou konsonm plis, e petet plis ki an fo.

Tenm kin ganny swazir pour lazournen drwa konsomater sa lannen se « Konbat problemn plastik »

Nou isi Sesel nou'n fini pas lalwa pou aret servi bann prodwir plastik kip a degradab, ki apre ou war in ariv dan nou lafore, lariver, lans e lanmer e ki sa l detri nou lanvironman.

Dan sa letan nou devret pe vin bann konsomater pli vizilan e pran bann rol pli pro aktiv e efektif ; komans limit aste sak plastik ouswa menm refize aste sak plastik, servi sak sifon ki dirab e kapab ganny reservi pou en bon pe letan. Kontinyen sirport bann lorganizasyon ki pe kontinyen edik konsomater enkli nou menm nou bann manm NATCOF ki pe zwe en rol kle pou donn nou sitwayen sa ledikasyon e pli bon fason pou zer sa problemn plastik dan nou pei.

Nou kapab fer bokou keksoz pou ede redwir lakantite plastik ki nou servi tou le zour ; par ekzanp, servi ver ek straw papye, servi boutey aliminyonm pou met delo ladan dan plas aste delo dan boutey plastik, reservi bann bwat ki ti anann bann lezot prodwi ladan olye zete, bann boutey plastik nou kapb servi pour plant zepis, legim e fler kot sak lakour e an konesans nou fer mwens depans e pli konsansye sirtou dan sa letan pandemik kovid-19 ki nou ladan.

Mon osi annan en mo spesyal pou tou fiy e madanm konsomater ki zot lazournen ti le 8 mars, mon remersye zot e mon kontinyen demann zot pou kontinyen zwe en rol kle pou sansibiliz e edik nou popilasyon zour an zour pou vin bann konsomater pli byen edike, ki zot konn zot drwa ek responsabilite.

Mon pe lans en lapel spesyal pou nou nasyon anantye pour sa zour e larestan zour pou nou esey limit lakantite keksoz plastik ki nou servi e sa l a vin en dibyen pou ou nou endividyelman e osi en dibyen pou nou pei annantye. Si ~~nou tou nou fer sa, mon asir zot ki nou pou war en~~ amelyorasyon dan nou lavi toulezour e nou pou fyer en zour pou tande ki lo nou landfilled lakantite salte plastik in diminyen.

Mon swet zot tou en bon lazournen mondyal drwa konsomater.



Tyermenn NATCOF

Mr. Freddy Lesperance